

5. Khut Ngakna

- a) **Laisiangtho bulphuhte** Heb. 6:1-2 Mk. 16:17-18
1Tim. 5:22 2Tim. 1:6

b) Thupatna

Khasiangtho in hong sapna pen picinna ah kalsuantoh nading ahihna phawk ni. Tua thu a pianthei nading in i khalam dinmun bulpi phatak pi a i phah ding kisam hi. Khut ngakna thu zuih pen thuman thutak bulpi masa thumte pan a khantoh na hi a, eite pen Khazih thupha vanzatte i hih theih nading a ei-le-ei pan a midangte tungah lunglutna hih thumaan in hong makaih kik hi.

Khasiangtho tawh kiphumna dinmun bulpi i phah na in. Hih bang lampi tawh nasep nading hong hi thei sak hi. Khut ngakna pen khalam ngiimna tuam vilvel pawl khat a ding a midang khat pumpi tungah mikhat in a khut a ngak na gamtat na hi ci in kila thei hi. A ngeina bang in hih pen thungetna tawh, genkholhna kammal pawlkhat tawh, aih keileh a thunih tawh kithuahkhawm hamtang hi.

c) Thuciamlui sung a etteh ding Pawlkhat

- (i) Israel mite in biakpiakna a piak uh ganhingte tungah mawhna puakhia cih lahna leh mawhna tawh kibang khawm cih lahna in a gawhma un a khut uh nga uh hi (Lev. 1:1-5)
- (ii) Jacob (aihkeh Israel). in Joseph tapate ahi Ephraim leh Manassehte tungah a khut nga in thupha pia a, gen kholhna kammal kihel hi (Gen. 48:14)
- (iii) Moses in a khut ngakna tawh Joshua sawl a, a thuneihna leh a pilnate suan hi. Hi lai ah makai hihna suatna leh Jos. pen makai khat ahi thei sak pilna leh zahtaknate hawmsawn hi (Deut. 34:9; Num. 27:15-23; Jos. 1:16-17)

d) Khutngak nading tawh kisai Thuciam Thak sunga a hangte

(i) Damna thunlutna

- Zeisu in khut ngakna tawh damna thunlut hi (Lk. 4:40; 13:3)
- Upate in (a khut uh tawh). sathau zuut in, cidam nading thungen uh hi (Jas. 5:14-16)
- Thu um mite zong khutngakna tawh damna a thunlut ding in kihanthawn hi (Mk. 16:17-18; Act. 9:17 leh Act. 28:8-9 hih in sepkhatna lak hi.)

(ii) Thupha thunlutna

- Topa Zeisu in naupangte tungah Pasion thupha thunlut hi (Matt. 19:13-15; Marks 10:13-14)
- Zeisu in Johan tungah a khutnga in 'laukei in' ci hi (Rev. 1:17)

(iii) Khasiangtho tawh kiphumna thunlutna

A pongpi in thu um mite makaite zong, khutngakna tawh Khasiangtho tawh kiphumna thunlutna ah kihel hi (Act. 8:14-29; Act. 9:10-17; Act. 19:6)

(iv) Khasiangtho letsong thunlutna (1Tim. 4:14; 2Tim. 1:6; Rom. 1:11)

(v) Atuam vilvel nasep ading a mite tuam khenna

Topa ading a a kiphuan nasep pen tua nasep a semkhia ding in a tuam vilvel

sathau nuhna thunlut nading in khutngakna tawh tua nasep tuam vilvel ading Topa in tuam khenkhia hi (Act. 13:2-3). Upa telna ah zong makaite khutngakna mah kihel hi (Act. 6:1-6). Makaite in upna, pilna, leh Khasiangtho tawh makai hihna thu zuihte tangtungsak dingin teel uh hi.

e) Khut ngakna ah kidop ding kisam

"Mi tungah khut ngak ding manlang lua kei in..." (1Tim. 5:22)

Hih Laisiangtho mun in a kawk bulpi pen Pasion nasem ding leh upa sem ding a mi khat seh khiatna hi. Siangtak in ci leng mikhat peuh makai dinmun ding a a kituak lopi a diakdiak in tua mipa pen mawhna zong satna ah thu don lo leh, tua pa pen Pasion teel loh khawng hong hih teh hih khutngakna pen thu buaihuaipi hong suak hi. Tua ban ah mi khat pen makai ding a koih nading hun maan zong hilo thei hi (1Tim. 3:6). Pasion in makai ding teel-a, tuate laptoh ding hun maan zong pulak hi. Tua zawh teh, a dang makaite in khut ngakna tawh tuate sam in, sawlkhia hi.

Khutngakna tungtawn in thu khat a pian ding leh tua pen kha thu i.e., kha leh kha, ahih ding zong phawk ding ahi hi. Na kha ii nakhat pen midang khat tung ah kihawmkhia thei cih Laisiangtho in hong lak a, (Deut. 34:9), Tua ahih man in kuate tungah khut kinga in, kuate in khut nga cih i kidip ding kisam hi.

Mite pen mi gilo tawh kithuahna leh mawhna sungah zong sang in nopsakna hang tawh mite pen siangtho lo leh a kha uh niin thei hi. Nang mahmah thupawl khat ah tha neem in leh na nuntakna thupawl khat ah Pasion mai ah na maan keileh tua bang mite tungpan siatna pawlkhat kithunlut thei hi. Khut a nga mite gamtat zia en in la, Pasion tawh a maanna uh, lungsim kiniam khiatna leh Pasion minthanna ding bek a lunggulh mah uh hiam cihte sittel in. Pasion tapa na hih leh Pasion in na nuntakna leh na om ziate hong keem hi cih phawk in. Tua hi a, Pasion in hong sawl ciang bek in midangte tungah na khut nga in, thu na ngetsak ding ahi hi. Ama deihna bang in na om nak leh Pasion in hong dal ding hi. Hih thu ah Khasiangtho cih bang i man ding kisam a, ahizong in khut ngakna pen thudon lo a om ding hilo hi.

f) Pawlpi sungah A thupina

(i) Nasep nading

Christian na sepna bulpi pen sepkhiahi hi (Mk. 10:43-45). I Khutte i zat khiatna pen khat leh khat tung leh leitunga Khazih pumpi mi tampite lak-a, i nasepna lahkhiatna hi. Khut ngakna tawh thupha leh cidamna cihte i hawmkhiatna pen midang khat tunga i septheih a lianpen na sepna hi.

(ii) Piakkhiatna ding

Upna tawh khut i ngak teh, i sung a Pasion nuntakna pen midangte tungah semkhia aihkeh piakhia hihang. Hi bang in i bawlleh i bawl kik theih nading in Pasion in hong piak kik ding hong kamciam hi (Lk. 6:33; Act. 3:6)

(iii) A kizanghthei sapna ading

Khazih pawlpi in pasal leh numei tampite amaute nuntakna ah Pasion kiang pan sapna tawh kisam lai a, letsongte piakna leh sathau zutna tawh tua sapna a tangtut nading uh hi thei sak nuam hi. Khazih pumpi sunga sathau nilhsa makai khat ii khutngakna pen Pasion sep mite tua bang a ahi thei sak dinga thu lutna lampi khat

hi (Act. 13:1-3)

g) Thukhupna

Khutngakna pen a gamtang pumpi khat ii khenkhat leh tawm khat hi. Lutang ahi Zeisu pan a nuntakna lakna, leh khutte tungtawn a, tua nuntakna khahkhiatna leh hawm khiatna hi.

A tho kik Khazih ii vangliatna tawh cidamsak ding, nasep ding, thupha piak dingte pen kha tawh kidim Zeisu um mikhat ciatte nuntakna ah om a, a diakdiak in Pasion teel makaite tungah om hi. Tua vangliatna pen khut ngakna tungtawn in kikhah khia hi.

h) Dotnate leh Kikupkhopnate

1. Lev. 16:10, 21-22 sunga kigelh a kikhahkhia kel (Scape goat). in koici bang in eite ading Zeisu hong sepsakna lim hong lak hiam?
2. Midang khat tungpan na hoih lo khat i ngah ding lau in, eite tungah khutngakna i pelh ding hiam? Kamkum in.
3. Makai maan leh maan lo manlang tak a i laptoh ding banghang in kidophuai hiam?
4. Banghang in Pawlpi in khutngakna tawh mi pawlkhat a tuam vilvel nasep sem dingin khenkhiat huai hiam?
5. Pasion in midangte tungah nang mah hong zangin ama nuntakna a hawmkhia dingin na ngaihsun hiam?

i) Tomlakna leh Zatpahna

1. Mikhat tungah khut i ngak ciangin, upna a om leh, khut ngakna pa hi ta leh khut nga pa tung hi taleh khalam nuntakna (thahatna, vangliatna). khat luang hi.
2. Pasion thumanga i nuntak nak leh khutngakna tawh eite tungah thu sia, thu hoih lo khat peuh hong lut ding lau ding hilo hi.
3. Pasion kiang pan na khatpeuh ngah nading in upna kisam hi.
4. Pasion na i sep a, khutngakna tawh midangte tungah i piakkhiat leh, Pasion kiangpan tamzaw pek ngah in piakhia kik zo ding hihang.
5. Khazih pumpi kilam in a khan theih nading in mi tampite nuntakna ah Pasion in ama sapna hong koih nuam in, tua sapna ah amaute hi thei sak nuam hi.